

14 SEP 2000

GLOBAL2000-LID/I

GLOBAL2000-LID AKAN BINCANG ISU GLOBAL & EKONOMI BULAN NOVEMBER

PUTRAJAYA, 14 Sept (Bernama) -- Dialog Antarabangsa Langkawi-GLOBAL2000 (LID) berharap dapat menanamkan semangat Perkongsian Pintar dalam menangani isu-isu global dan ekonomi, demikian menurut Penasihat Sains kepada Perdana Menteri, Tan Sri Dr Omar Abdul Rahman hari ini.

Dialog itu akan diadakan mulai 19 Nov hingga 22 November di Berjaya Langkawi Beach & Spa Resort, Langkawi dengan kira-kira 350 peserta dijangka menghadirinya.

Perbincangan bagi dialog tahun ini, yang juga merupakan dialog kelima LID, akan memberi tumpuan kepada tema "Trend-Trend Global dan Ekonomi-ekonomi Yang Baru Menjadi Tumpuan".

Perdana Menteri Datuk Seri Dr Mahathir Mohamad merupakan penaung tuan rumah dan penasihat untuk GLOBAL2000-LID.

GLOBAL2000-LID merupakan pusingan kedua siri GLOBAL2000 bagi Dialog Perkongsian Pintar, kata Dr Omar kepada persidangan media dan majlis penganugerahan cek penganjur di sini hari ini.

Pusingan pertama GLOBAL2000-SAID, yang diadakan di Maputo, Mozambique bulan lepas, menyaksikan beberapa isu perlu terus diperbincangkan di Langkawi pada bulan November, kata beliau.

GLOBAL2000-LID sekali lagi akan ditaja bersama-sama oleh Malaysian Industry-Government Group for High Technology (MIGHT) dan Commonwealth Partnership for Technology Management (CPTM). -- BERNAMA

SHY SHY AA